

Broj: 01-01.3-9493-15/25 ES

Datum: 27.02.2026. godine

Na osnovu člana 70. st. (4), i (6) Zakona o javnim nabavkama ("Službeni glasnik BiH", broj: 39/14, 59/22 i 50/24) – u daljem tekstu: Zakon i preporuke Komisije za javne nabavke konstatovane u Zapisniku o pregledu i ocjeni ponuda u otvorenom postupku, broj: 01-01.3-9493-14/25 ES od 18.02.2026. godine, direktor Javnog preduzeća Autoceste Federacije Bosne i Hercegovine društvo sa ograničenom odgovornošću Mostar donosi sljedeću:

ODLUKU

o poništenju postupka javne nabavke u otvorenom postupku

I

Poništava se otvoreni postupak za javnu nabavku, broj: 01-01.3-9493/25 ES za koji je objavljeno Obavještenje o nabavci broj: 266-1-1-178-3-357/25, objavljeno dana 11.12.2025. godine i Ispravka za obavještenje o nabavci broj 266-1-1-178-8-2/26 od 06.01.2026, a koji se odnosi na nabavku roba: „**Nabavka uniformi za uposlenike na naplati i upravljanju AC-om**“, u skladu sa članom 69. stav (2) tačka d) Zakona, jer nijedna od primljenih ponuda nije prihvatljiva.

II

Ponuda ponuđača „**EUROSAN**“ d.o.o. Mostar se odbacuje kao nepravilna u skladu sa članom 2. stav (1) tačka I) alineja 3) Zakona, te se ista odbacuje u skladu sa članom 68. stav (4) tačka i) Zakona, jer nije potpuna i ne ispunjava sve zahtjeve iz tenderske dokumentacije.

III

Ponuda ponuđača „**INKOS**“ d.o.o. Kakanj se odbacuje kao neprihvatljiva u skladu sa članom 68. stav (1) Zakona, jer je ponuđač dostavio nepotpune dokaze za ispunjavanje uslova iz člana 49. Zakona.

IV

Ponuda ponuđača „**EURO VEZ**“ d.o.o. Tešanj se odbacuje kao neprihvatljiva u skladu sa članom 68. stav (1) Zakona, jer je ponuđač dostavio nepotpune dokaze za ispunjavanje uslova iz člana 49. Zakona.

V

U skladu sa članom 70. stav (6) Zakona, JP Autoceste FBiH d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno sa upućivanjem Odluke ponuđačima koji su učestvovali u postupku javne nabavke.



Handwritten signature

Obrazloženje

Javno preduzeće Autoceste Federacije Bosne i Hercegovine društvo sa ograničenom odgovornošću Mostar je u skladu sa čl. 14. stav (4), 17. stav (1), 18. stav (1) i 19. stav (1) i 32. Zakona pokrenulo otvoreni postupak, broj: 01-01.3-9493/25 MZ za nabavku roba: „Nabavka uniformi za uposlenike na naplati i upravljanju AC-om“. Na Portalu javnih nabavki je objavljeno Obavještenje o nabavci, broj: 266-1-1-178-3-357/25 dana 11.12.2025. godine, te Ispravka za obavještenje o nabavci, broj: 266-1-1-178-8-2/26 dana 06.01.2026. godine. Kriterij za dodjelu ugovora je „najniža cijena“.

Na osnovu Obavještenja o nabavci, Ispravke za obavještenje o nabavci i tenderske dokumentacije zakazano je javno otvaranje ponuda dana 16.01.2026. godine u 10:30 sati u prostorijama Javnog preduzeća Autoceste Federacije Bosne i Hercegovine d.o.o. Mostar, Operativni ured Sarajevo, Hamdije Kreševljakovića 19. Komisija je na javnom otvaranju ponuda konstatovala da su do utvrđenog krajnjeg roka za prijem ponuda u predmetnom postupku zaprimljene 3 (tri) ponude.

Komisija je prema članu 65. Zakona pristupila pregledu i ocjeni ponuda, što je evidentirano u Zapisniku o pregledu i ocjeni ponuda, broj: 01-01.3-9493-14/25 ES od 18.02.2025. godine. S obzirom da zaprimljene ponude nisu prihvatljive, e-aukcija nije zakazana.

Ponuda ponuđača „**EUROSAN**“ d.o.o. Mostar se odbacuje kao nepravilna u skladu sa članom 2. stav (1) tačka l) alineja 3) Zakona, te se ista odbacuje u skladu sa članom 68. stav (4) tačka i) Zakona, jer nije potpuna i ne ispunjava sve zahtjeve iz tenderske dokumentacije. Ponuđač nije popunio Obrazac za cijenu ponude za okvirni sporazum kako je to propisano tenderskom dokumentacijom. Također, garancija za ozbiljnost ponude, koja je dostavljena u sastavu ponude, ima rok važenja kraći od propisanog tenderskom dokumentacijom.

Ponuda ponuđača „**INKOS**“ d.o.o. Kakanj se odbacuje kao neprihvatljiva u skladu sa članom 68. stav (1) Zakona, jer je ponuđač dostavio nepotpune dokaze za ispunjavanje uslova iz člana 49. Zakona.

Ponuda ponuđača „**EURO VEZ**“ d.o.o. Tešanj se odbacuje kao neprihvatljiva u skladu sa članom 68. stav (1) Zakona, jer je ponuđač dostavio nepotpune dokaze za ispunjavanje uslova iz člana 49. Zakona. Ponuđač nije dostavio sve uzorke koji su zahtijevani tenderskom dokumentacijom. Također, jedan broj dostavljenih uzoraka nije u skladu sa traženim u tenderskoj dokumentaciji.

Detaljno obrazloženje razloga odbacivanja ponuda navedenih ponuđača dato je u Zapisniku o pregledu i ocjeni ponuda, broj: 01.3-9493-14/25 ES od 18.02.2026. godine, koji je u prilogu ove odluke i čini njen sastavni dio.

Shodno navedenom, ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od 10 (deset) dana od dana objavljivanja ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog



208

organa, u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Prilog:

- Zapisnik o pregledu i ocjeni ponuda, broj: 01-01.3-9493-14/25 ES od 18.02.2026. godine

**Izvršni direktor
za upravljanje i održavanje:**

.....
Mirko Rogić, dipl.iur.

Direktor

.....
Denis Lasić



Dostaviti:

- Ponuđačima koji su predali svoje ponude u postupku javne nabavke;
- Objava na web stranici JP Autoceste FBiH d.o.o. Mostar;
- a/a.



Identifikacijski broj 4227691540005 PDV broj 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 i 3386902296565422
Naknada za korištenje cestovnog zemljišta: 1610200062470135 i 3386902296564549
Registровано u Općinskom sudu u Mostaru, MBS 58-01-0179-10

28

Broj: 01-01.3-9493-14/25 ES

Datum: 18.02.2026. godine

U skladu sa članom 65. Zakona o javnim nabavkama („Službeni glasnik BiH“, broj 39/14, 59/22 i 50/24), članom 18. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15), članom 15. Pravilnika o javnim nabavkama JP Autoceste FBiH d.o.o. Mostar, broj: NO 1.01-3837-12/23 od 12.06.2023. godine, Komisija za nabavke imenovana Rješenjem, broj: 01-01.3-9493-6/25 MZ od 06.01.2026. godine, sačinjava:

ZAPISNIK O PREGLEDU I OCJENI PONUDA u otvorenom postupku

- a) **Naziv i sjedište ugovornog organa:** JP Autoceste FBiH d.o.o. Mostar;
- b) **Predmet nabavke:** Nabavka roba: „Nabavka uniformi za uposlenike na naplati i upravljanju AC-om“;
- c) **Evidencijski broj nabavke:** 01-01.3-9493/25 MZ;
- d) **Vrsta postupka javne nabavke:** Otvoreni postupak – javna nabavka roba sa zaključivanjem Okvirnog sporazuma na tri godine;
- e) **Procijenjena vrijednost nabavke:** 350.000,00 KM (bez PDV-a);
- f) **Broj obavještenja o nabavci sa Portala javnih nabavki:** Obavještenje o nabavci broj: 266-1-1-178-3-357/25, objavljeno dana 11.12.2025. godine i Ispravka za obavještenje o nabavci broj 266-1-1-178-8-2/26 od 06.01.2026.
- g) **Datum početka pregleda i ocjene ponuda:** Komisija je počela sa pregledom ponuda 22.01.2026. godine;
- h) **Naziv i sjedište svih ponuđača, prema redosljedu zaprimanja ponuda:** Komisija za nabavke za predmetni postupak je utvrdila da su do krajnjeg roka za dostavljanje ponuda blagovremeno zaprimljene 3 (tri) ponude i to kako slijedi:
1. „EUROSAN“ d.o.o. Mostar, zaprimljena dana 15.01.2026. godine u 10:42 sati, sa ukupnom ponuđenom cijenom u iznosu od **344.921,58 KM** bez uračunatog PDV-a, odnosno **403.558,24 KM** sa uračunatim PDV-om;
 2. „INKOS“ EXPORT-IMPORT d.o.o. Kakanj, zaprimljena dana 15.01.2026. godine u 13:36 sati, sa ukupnom ponuđenom cijenom u iznosu od **349.974,00 KM** bez uračunatog PDV-a, odnosno **409.469,58 KM** sa uračunatim PDV-om;
 3. „Euro Vez“ d.o.o. Tešanj, zaprimljena dana 16.01.2026. godine u 09:01 sati, sa ukupnom ponuđenom cijenom u iznosu od **347.650,00 KM** bez uračunatog PDV-a, odnosno **406.750,50 KM** sa uračunatim PDV-om.
- i) **Podaci o pojašnjenju dokumenata u skladu sa članom 68. stav (3) Zakona ako ih je bilo:** Nije traženo pojašnjenje dokumenata;
- j) **Podaci o ispravkama, ukoliko su iste uočene u ponudi i koje su urađene na način da su vidljive (ispravljani podaci moraju biti vidljivi), potvrđene potpisom ponuđača i sa datumom izvršene ispravke:** Nema ispravki koje su urađene na način da su vidljive, potvrđene potpisom ponuđača i sa datumom izvršene ispravke;
- k) **Analitički prikaz traženih i dostavljenih dokumenata na osnovu koji se utvrđuje postojanje ili razlozi isključenja ponuđača:**



ANALIZA, PREGLED I OCJENA PONUDA				
R. br.	„Nabavka uniformi za uposlenike na naplati i upravljanju AC-om“	„EUROSAN“ d.o.o. Mostar	„INKOS“ EXPORT-IMPORT d.o.o. Kakanj	„Euro Vez“ d.o.o. Tešanj
a.	Kvalifikacioni uslovi (uslov/dokaz):			
1.	<p>- lična sposobnost u skladu sa članom 45. Zakona o javnim nabavkama („Službeni glasnik BiH“, broj 39/14, 59/22 i 50/24, u daljem tekstu: Zakon):</p> <p>Uslov: U skladu sa članom 45. Zakona, ponuda će biti odbijena ako je ponuđač:</p> <p>a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;</p> <p>b) pod stečajem ili je predmet stečajnog postupka, osim u slučaju postojanja važeće odluke o potvrđi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;</p> <p>c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;</p> <p>d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan.</p> <p>Dokaz: U svrhu ispunjavanja uvjeta iz prethodne tačke ponuđači trebaju dostaviti Izjavu ovjerenu kod nadležnog organa (organ uprave ili notar) da se na njih ne odnose slučajevi definisani tačkom 7.1.1 od a) do d) tenderske dokumentacije. Izjava se dostavlja u formi utvrđenoj Aneksom 5 tenderske dokumentacije.</p>			
		+	+	+
2.	<p>- sposobnost obavljanja profesionalne djelatnosti u skladu sa članom 46. Zakona:</p> <p>uslov: -pravo ponuđača na obavljanje profesionalne djelatnosti koja je u vezi sa predmetom nabavke, u skladu sa članom 46. Zakona i/ili da su registrirani za obavljanje djelatnosti koja je predmet javne nabavke;</p> <p>Dokaz: -u svrhu dokazivanja prava na obavljanje profesionalne djelatnosti,ponuđač mora dostaviti dokaz o registraciji u odgovarajućem profesionalnom</p>			
		+	+	+

ANALIZA, PREGLED I OCJENA PONUDA				
R. br.	„Nabavka uniformi za uposlenike na naplati i upravljanju AC-om“	„EUROSAN“ d.o.o. Mostar	„INKOS“ EXPORT-IMPORT d.o.o. Kakanj	„Euro Vez“ d.o.o. Tešanj
	ili drugom registru u zemlji u kojoj je registriran ili da obezbijede posebnu izjavu ili potvrdu nadležnog organa kojom dokazuje njegovo pravo da obavlja profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originali ili ovjerene kopije;			
3.	<p>- tehnička i profesionalna sposobnost u skladu sa članom 51. Zakona:</p> <p>Uslov:</p> <p>a) Uspješno iskustvo u realizaciji najmanje 1 (jednog) ugovora čiji je karakter i obim isti ili sličan predmetu nabavke minimalne vrijednosti u iznosu od 115.000,00 KM bez uključenog PDV-a i to u posljednje 3 (tri) godine dana ili od datuma registracije, ako je ponuđač registrovan odnosno počeo s radom prije manje od 3 (tri) godine;</p> <p>b) da će ponuđač:</p> <ul style="list-style-type: none"> • osigurati način da za svakog uposlenika/cu pojedinačno izvrši uzimanje tačnih mjera i veličina kroz dostavljeni set veličina za svaki artikal; • obezbijediti izvor materijala i kontinuitet nabavke identičnog materijala i sirovina u naredne 3 (tri) godine; • osigurati mogućnost izrade loga na određenim dijelovima uniforme; • da će ponuđač dostaviti uzorke proizvoda koji su traženi i navedeni u tehničkoj specifikaciji (ponuđač za muške i ženske artikle istovjetne izrade i karakteristika može dostaviti samo jedan uzorak), te; • da će ponuđač dostaviti ateste/certifikate/izvještaje/deklaracije/tehničke listove za materijal koji će biti upotrijebljen za da ispitani materijal odgovara tehničkim karakteristikama zahtijevanim u tehničkoj specifikaciji, za sve upotrijebljene materijale... <p>Dokaz:</p> <p>a) Spisak izvršenih ugovora koji su isti ili slični predmetu nabavke, u posljednjih 3 (tri) godine, ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine. Uz spisak izvršenih ugovora ponuđač je dužan dostaviti potvrdu kojom dokazuje da ima realizovan najmanje jedan (1) ugovor čiji je</p>	<p style="text-align: center;">+</p> <p style="text-align: center;">+</p>	<p style="text-align: center;">+</p> <p style="text-align: center;">+</p>	<p style="text-align: center;">+</p> <p style="text-align: center;">+</p>

ANALIZA, PREGLED I OCJENA PONUDA				
R. br.	„Nabavka uniformi za uposlenike na naplati i upravljanju AC-om“	„EUROSAN“ d.o.o. Mostar	„INKOS“ EXPORT-IMPORT d.o.o. Kakanj	„Euro Vez“ d.o.o. Tešanj
	<p>karakter i kopleksnost isti ili sličan predmetu nabavke minimalne vrijednosti u iznosu od 115.000,00 KM bez uključenog PDV-a, koju je izdala druga ugovorna strana, a koja obavezno sadrži naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenom ugovoru. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenom ugovoru, uz predočenje dokaza o učinjenim pokušajima da se takva potvrda obezbjedi. Forma spiska izvršenih ugovora data je u Aneksu 8 tenderske dokumentacije, sa prilogom (Potvrda).</p> <p>Ovaj uslov se postavlja s obzirom na prirodu robe koja mora biti nove proizvodnje, sigurnosnog karaktera i tehnički usklađena sa važećim standardima, zbog čega je neophodno dokazati aktuelno iskustvo u isporuci ovakvog tipa opreme.</p> <p>b) Izjava ovjerena od strane ponuđača (Aneks 9 tenderske dokumentacije) da ponuđač ispunjava uslove tehničke i profesionalne sposobnosti navedene u tenderskoj dokumentaciji, a kojom se potvrđuje:</p> <ul style="list-style-type: none"> • Osigurati način da za svakog uposlenika/cu pojedinačno izvrši uzimanje tačnih mjera i veličina kroz dostavljeni set veličina za svaki artikal; • Obezbijediti izvor materijala i kontinuitet nabavke identičnog materijala i sirovina u naredne 3 (tri) godine, • Osigurati mogućnost izrade loga na određenim dijelovima uniforme; <p>U svrhu dokazivanja traženih funkcionalnih i tehničkih karakteristika pojedinih artikala, ponuđač je obavezan dostaviti uzorke proizvoda:</p> <ul style="list-style-type: none"> • Uzorke iz paketa uniformi za muškarce: muške hlače zimske, muške hlače ljetne, muška košulja dugi rukav, muška košulja kratki rukav, muška polo majica kratki rukav, muški džemper, muški sigurnosni prsluk, muški kožni remen/kaiš. • Uzorke iz paketa uniformi za žene: ženske hlače zimske, ženske hlače ljetne, ženska košulja dugi rukav, ženska košulja kratki rukav, ženska zimska suknja, ženska ljetna suknja; • Ateste/certifikate/izvještaje/deklaracije/tehničke listove za materijal koji će biti 			
		+	+	+
		+	-2	-3
		+	-2	-3
		+	+	+

ANALIZA, PREGLED I OCJENA PONUDA				
R. br.	„Nabavka uniformi za uposlenike na naplati i upravljanju AC-om“	„EUROSAN“ d.o.o. Mostar	„INKOS“ EXPORT-IMPORT d.o.o. Kakanj	„Euro Vez“ d.o.o. Tešanj
	<p>upotrijebljen za izradu uniformi i koji su traženi u tehničkoj specifikaciji, kojim se potvrđuje da ispitani materijal odgovara tehničkim karakteristikama zahtijevanim u tehničkoj specifikaciji, za sve upotrijebljenje materijale.</p> <p>Ova dokumentacija je potrebna kako bi se Naručitelj uvjerio da su dostavljeni uzorci izrađeni od materijala zahtjevanih tehničkih karakteristika, a za koje je ponuđač dostavio izvještaje o ispitivanju, te da dostavljeni uzorci materijala i uzorci dostavljene uniforme odgovaraju tehničkim i funkcionalnim zahtjevima u skladu sa zahtjevima datim u Obrascu za cijenu, Opisu usluge i Tehničkim specifikacijama. Kvalitet dostavljenih uzoraka utvrđivat će se uvidom u uzorak, ateste-izvještaje o ispitivanju materijala i izvještaj o vizualnoj kontroli, a na način kako je za svaki pojedinačni uzorak zahtijevano u opisu u tehničkoj specifikaciji. Uzorci se dostavljaju u posebnoj zatvorenoj neprozirnoj kutiji sa popisom dostavljenih uzoraka (naziv ponuđača, naziv i tip proizvoda, proizvođač i pakovanje i sl.): Ponuda ponuđača koji istovremeno s ponudom ne dostavi sve tražene uzorke i popratnu dokumentaciju ili dostavi uzorke, koji ne odgovaraju opisu iz Tehničke specifikacije, biće odbijena kao neprihvatljiva.</p> <p>Dostavljene uzorke dijelova uniforme i uzorke materijala je potrebno označiti, npr. samoljepljivom etiketom, s navođenjem podataka: 1) naziv artikla (dijela uniforme), 2) naziv proizvođača materijala, tip i naziv materijala, 3) deklaracija materijala/atest/izvještaj o ispitivanju i 4) redni broj iz Obrasca za cijenu ponude –robe (Aneks 3).</p> <p>Uzorke je potrebno dostaviti u posebnoj kutiji s naznakom „UZORCI“, te sa jasno naznačenim predmetom nabavke i nazivom ponuđača. U kutiju s uzorcima je potrebno priložiti popis artikala koji se u njoj nalaze s rednim brojevima, te oznakom ponuđenog artikla. Kutija s uzorcima mora biti neprozirna, veličine/ volumena koji omogućava prihvatljivu manipulaciju i skladištenje.</p> <p>Ukoliko kutija ne bude propisno zatvorena i označena, Naručitelj se ne smatra odgovornim, ako</p>			

R. br.	ANALIZA, PREGLED I OCJENA PONUDA			
	„Nabavka uniformi za uposlenike na naplati i upravljanju AC-om“	„EUROSAN“ d.o.o. Mostar	„INKOS“ EXPORT-IMPORT d.o.o. Kakanj	„Euro Vez“ d.o.o. Tešanj
	<p>se uzorci zametnu, izgube ili otvore prije isteka roka za dostavu ponuda.</p> <p>Ukoliko naručitelj ne bude mogao priložene uzorke dovesti u vezu s predmetom nabavke, te ukoliko ne ispunjavaju svoju svrhu u skladu s tehničkim zahtjevima iz Tehničke specifikacije i ove tenderske dokumentacije, ponuda tog ponuđača će biti odbijena u skladu sa članom 68. Zakona o javnim nabavkama.</p> <p>Ponuđači u sklopu svoje ponude prilažu i popis dostavljenih uzoraka. U slučaju da uzorci zadovoljavaju tehničke zahtjeve iz Tehničke specifikacije, Naručitelj će dostavljene uzorke izabranog ponuđača zadržati i isti će imati kontrolnu funkciju u toku izvršenja okvirnog sporazuma, odnosno kvalitet isporučenih proizvoda (za koje su dostavljeni uzorci) utvrđivat će se na osnovu zadržanih uzoraka. Naručitelj nema obavezu, da zadržane uzorke plati izabranom Ponuđaču. Dostavljeni uzorci iz ponuda ostalih ponuđača bit će vraćeni ponuđačima, nakon okončanja postupka nabavke (nakon što zaključeni okvirni sporazum sa izabranim ponuđačem ili odluka o poništenju postane važeća), na način da će ponuđači biti pozvani da preuzmu iste....</p>			
4.	Izjava o sukobu interesa čl. 52 Zakona (Aneks 7)	+	+	+
b.	Ispunjenost uvjeta u pogledu dostavljanja svih potrebnih dokumenata prema sadržaju ponude:			
1.	Pravilno popunjen i potpisan Obrazac za ponudu čija forma je data u Aneksu 2 tenderske dokumentacije	+	+	+
2.	Pravilno popunjen i potpisan Obrazac za cijenu ponude za okvirni sporazum čija forma je data u Aneksu 3 tenderske dokumentacije	.*	+	+
3.	Obrazac povjerljivih informacija, u skladu sa Aneksom 4 – ukoliko ih ponuđač ima;	nema pov. informacija	nema pov. informacija	nema pov. informacija
4.	Izjava o zajedničkoj ponudi ukoliko ponudu predaje grupa ponuđača	n.p.	n.p.	n.p.
5.	Potpisan Nacrt okvirnog sporazuma dostavljena svaka stranica u sklopu ponude - koji je sastavni dio tenderske dokumentacije kao Aneks 6	+	+	+
5.	Potpisan Nacrt pojedinačnog ugovora i dostavljena svaka stranica u sklopu ponude - koji je sastavni dio tenderske dokumentacije kao Aneks 6.1	+	+	+
6.	Ponuda mora biti ovjerena pečatom podnosioca ponude, ako po zakonu države u kojoj je sjedište podnosioca ponude podnosilac ponude ima pečat ili	+	+	+

R. br.	ANALIZA, PREGLED I OCJENA PONUDA			
	„Nabavka uniformi za uposlenike na naplati i upravljanju AC-om“	„EUROSAN“ d.o.o. Mostar	„INKOS“ EXPORT-IMPORT d.o.o. Kakanj	„Euro Vez“ d.o.o. Tešanj
	dokaz da po zakonu države u kojoj je sjedište ponuđača podnosilac ponude nema pečat;			
7.	Parafirana i popunjena Tehnička specifikacija koja je dat u Aneksu 10	+	+	+
8.	Izjava ponuđača da preduzeće i/ili njegovo odgovorno lice (direktor i/ili vlasnik) nisu na listama koje se odnose na restriktivne mjere – Aneks 11	+	+	+
11.	Bankarsku garanciju za ozbiljnost ponude u skladu sa formam datoj u Aneksu 12 tenderske dokumentacije u iznosu od 5.000,00 KM i sa rokom važenja do 16.05.2026. godine	-	+	+
12.	Ponuda mora biti potpisana od strane odgovorne osobe za predstavljanje ponuđača (navedenom u Izvodu iz sudskog registra, rješenju o registraciji) ili osobe ovlaštene od strane odgovorne osobe ponuđača pisanom punomoći za potpisivanje ponude (u kojem slučaju se uz ponudu prilaže punomoć). Punomoć, u slučaju grupe ponuđača mora biti dana od svih ovlaštenih osoba za zastupanje članova grupe ponuđača;	+	+	+
15.	Popis dokumentacije koja je priložena uz ponudu (Sadržaj ponude).	+	+	+
c.	Prikaz prihvatljivosti ponuda prema obliku, sadržaju i potpunosti i ostalih uvjeta iz tenderske dokumentacije			
1.	Uvezana u cjelinu /knjiga, obezbjeđena jemstvenikom/	+	+	+
2.	Ponuda napisana neizbrisivom tintom	+	+	+
3.	Pravilno numerisana ponuda	+	+	+
4.	Ponuda napisana na jednom od službenih jezika u BiH	+	+	+
5.	Dostavljena kopija ponude na mediju za pohranjivanje podataka	+	+	+
6.	Ispravke u ponudi	nema računskih ispravki	nema računskih ispravki	nema računskih ispravki
7.	Računske greške	nema računске greške	nema računске greške	nema računске greške
8.	Izmjene/dopune ponude i odustajanje od ponude	n.p.	n.p.	n.p.
9.	Izražena namjera podugovaranja	+ ¹	+ ¹	+ ¹
10.	Cijena ponude u okviru procjenjene vrijednosti	+	+	+
11.	Ispunjenost zahtjeva u pogledu opisa predmeta nabavke i tehničkih specifikacija	+	-	-
12.	PRIHVATLJIVOST PONUDE (DA/NE)	NE	NE	NE

Napomena:

- (+) u skladu sa tenderskom dokumentacijom, zadovoljava;
- (+*) ponuđač je uz Izjavu o ispunjenosti uslova iz člana 45. stav (1) tač. a) do d) Zakona u sastavu ponude dostavio ovjerene kopije svih zahtjevanih dokumenata kojima dokazuje ispunjenost postavljenih uslova u pogledu lične sposobnosti ponuđača;
- (+¹) ponuđač nije iskazao namjeru podugovaranja;
- n.p. nije primjenjivo;
- (-) nije u skladu sa tenderskom dokumentacijom, ne zadovoljava;
- (-¹) ponuđač je dostavio Obrazac za cijenu ponude koji nije popunjen u potpunosti;
- (-²) ponuđač je dostavio uzorke za koje je pregledom utvrđeno da nisu u skladu sa tenderskom dokumentacijom.
- (-³) ponuđač nije dostavio sve uzorke zahtijevane tenderskom dokumentacijom.

l) Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja za svakog ponuđača posebno:

1. Ponuđač „**INKOS**“ **EXPORT-IMPORT d.o.o. Kakanj** ispunjava kvalifikacione uslove iz čl. 45., 46. i 52. Zakona (tač. 7.1.1., 7.2.1., 7.5.1 tenderske dokumentacije), dok uslove iz člana 49. Zakona (tačka 7.3.1. tenderske dokumentacije) ne ispunjava u potpunosti iz sljedećeg razloga:

Tačkom 7.3.1. c) je propisano da ponuđači trebaju, između ostalog, dostaviti uzorke proizvoda koji su navedeni u tehničkoj specifikaciji. Ponuđač je u svrhu ispunjavanja navedenog uslova tehničke i profesionalne sposobnosti dostavio uzorke u posebnoj kutiji prilikom dostavljanja svoje ponude. Komisija je prilikom pregleda ponuda izvršila i pregled uzoraka i utvrdila da je ponuđač dostavio mušku košulju dugih rukava na kojoj nedostaje jedno dugme. U Obrascu za cijenu (stavka 3, stranica 27/69), kao i u Tehničkoj specifikaciji tenderske dokumentacije je propisano kopčanje sa 7 dugmića + 1 vidno na jačici L-18. Dostavljena košulja nema rezervno dugme na jačici/etiketi.

Također, pregledom dostavljenih uzoraka utvrđeno je da muška košulja kratkih rukava (stavka 7 iz Obrasca za cijenu ponude) ima džep, a što je u suprotnosti sa traženim u Obrascu za cijenu ponude (stavka 7, stranica 28/69) i Tehničkoj specifikaciji. Naime, na stranici 58/69 tenderske dokumentacije, u sklopu Tehničke specifikacije, naznačeno je da: „*Na osnovu smjernica koje dostavlja ovlašteni predstavnik Naručioca, službene uniforme koje koriste uposlenici u naplati će se izrađivati bez džepova (izuzev jakne)*“.

Pored navedenog, prilikom pregleda ponuda, u sklopu dostavljenih izvještaja laboratorijske analize, uočeno je odstupanja u materijalu koje je izvan dozvoljenih vrijednosti. Materijal za žensku košulju dugi rukav ima propisano učešće elastina od 2% uz dozvoljeno odstupanje od 5% do 10%. U Izvještaju dostavljenom na stranici 68 ponude, rezultat ispitivanja pokazuje učešće elastina od 1,7% što je manje od propisanog u tenderskoj dokumentaciji (odstupanje u ponudi je 15%). Iz navedenog izvještaja proizlazi da ni materijal za mušku košulju dugih i kratkih rukava nije u skladu sa traženim (poliester ima učešće od 24,2% dok je gornja dopuštena granica sa odstupanjem 23,1%; elastin ima učešće od 1,7%, dok je donja granica sa odstupanjem 1,9%). Za žensku košulju dugih rukava nije zadovoljavajuća stavka elastina jer je donja granica 1,8% (maksimalno odstupanje po tenderskoj dokumentaciji je 5-10%).

Pregledom je utvrđeno da je na stranici 105. ponude dostavljen tehnički list za žensku polo majicu kratki rukav gdje je naznačeno "zatvaranje pomoću proreza i dva dugmeta", dok je tenderskom dokumentacijom traženo zatvaranje sa tri dugmeta. U uzorcima je dostavljena ženska polo majica sa tri dugmeta.

Shodno navedenom, ponuđač nije dokazao da ispunjava u potpunost uslov tehničke i profesionalne sposobnosti iz člana 49. Zakona, zahtijevan tačkom 7.3.1. c) tenderske dokumentacije.

U skladu sa iznesenim, Komisija za nabavke daje preporuku ugovornom organu da ponudu ponuđača „**INKOS**“ **d.o.o. Kakanj** odbaci kao neprihvatljivu u skladu sa članom 68. stav (1) Zakona, jer je ponuđač dostavio nepotpune dokaze za ispunjavanje uslova iz člana 49. Zakona.

2. Ponuđač „EURO VEZ“ d.o.o. Tešanj, ispunjava kvalifikacione uslove iz čl. 45., 46. i 52. Zakona (tač. 7.1.1., 7.2.1., 7.5.1 tenderske dokumentacije), dok uslove iz člana 49. Zakona (tačka 7.3.1. tenderske dokumentacije) ne ispunjava u potpunosti iz sljedećeg razloga:

Ponuđač je u svrhu ispunjavanja uslova tehničke i profesionalne sposobnosti dostavio uzorke u posebnoj kutiji prilikom dostavljanja svoje ponude. Komisija je prilikom pregleda ponuda, izvršila i pregled uzoraka i utvrdila da ponuđač nije dostavio sljedeće uzorke: zimski vodonepropusna jakna (stavka 1 u Obrascu za cijenu ponude); radne cipele (karakteristike opisane u Obrascu za cijenu ponude na više mjesta); ženska polo majica (stavka 10 u Obrascu za cijenu ponude). Nedostavljanje navedenih uzoraka nije u skladu sa uslovom iz tačke 7.3.1. b) koji u jednoj od svojih podtački glasi: „Da će ponuđač dostaviti uzorke proizvoda koji su traženi i navedeni u tehničkoj specifikaciji (ponuđač za muške i ženske artikle istovjetne izrade i karakteristika može dostaviti samo jedan uzorak)“.

Pregledom je također utvrđeno da je dostavljen uzorak sigurnosnog prsluka (stavka 11 u Obrascu za cijenu ponude) koji nema logo preduzeća na svojoj prednjoj strani, iako je u Tehničkoj specifikaciji i Obrascu za cijenu ponude jasno navedeno: „Na lijevoj prednjici i leđnom dijelu prsluka se izrađuje logo poduzeća“. Za dostavljene stavke: muške hlače zimske, ženske hlače zimske, muške hlače ljetne, muške ljetne hlače je utvrđeno da imaju džepove. Navedeno je u suprotnosti sa propisanim na stranici 58/69 tenderske dokumentacije, u sklopu Tehničke specifikacije: „Na osnovu smjernica koje dostavlja ovlašteni predstavnik Naručioca, službene uniforme koje koriste uposlenici u naplati će se izrađivati bez džepova (izuzev jakne)“.

Za uzorke stavki iz Obrasca za cijenu ponude: muška košulja dugi rukav, ženska košulja kratki rukav i ženska košulja dugi rukav su dostavljeni uzorci koji nemaju rezervno dugme na jačici/kragni, kako je zahtijevano tenderskom dokumentacijom.

Pored navedenog, prilikom pregleda ponuda, u sklopu dostavljenih izvještaja laboratorijske analize, uočeno je odstupanja u materijalu koje je izvan dozvoljnih vrijednosti. Materijal za mušku i žensku košulju dugi i kratki rukav ima propisano učešće poliestera od 22% uz dozvoljeno odstupanje od 5% (za sav navedeni materijal, osim za žensku košulju dugi rukav, koja ima dozvoljeno odstupanje od 5% do 10%). U Izvještaju dostavljenom na stranici 51. ponude, rezultat ispitivanja pokazuje učešće elastina od 25,9% što je više od propisanog u tenderskoj dokumentaciji (odstupanje u ponudi je 17,73%).

Shodno navedenom, ponuđač nije dokazao da ispunjava u potpunost uslov tehničke i profesionalne sposobnosti iz člana 49. Zakona, zahtijevan tačkom 7.3.1. c) tenderske dokumentacije.

U skladu sa iznesenim, Komisija za nabavke daje preporuku ugovornom organu da ponudu ponuđača „EURO VEZ“ d.o.o. Tešanj odbaci kao neprihvatljivu u skladu sa članom 68. stav (1) Zakona, jer je ponuđač dostavio nepotpune dokaze za ispunjavanje uslova iz člana 49. Zakona.

- m) **Prikaz traženih i dostavljenih garancija za ozbiljnost ponude:** Ugovorni organ je zahtijevao bankarsku garanciju za ozbiljnost ponude u iznosu od 5.000,00 KM sa rokom važenja do 16.05.2026. godine. Ponuđači „INKOS“ d.o.o. Kakanj i „EURO VEZ“ d.o.o. Tešanj su u sklopu svojih ponuda dostavili garancije za ozbiljnost ponuda u formi i na način propisan tenderskom dokumentacijom, u traženoj vrijednosti, te sa propisanim rokom važenja. Ponuđač „EUROSAN“ d.o.o. Mostar je dostavio garanciju za ozbiljnost ponude sa rokom važenja do 11.05.2026. godine što nije u skladu sa tačkom 8.7.1. tenderske dokumentacije, gdje je zahtijevano da garancija važi u čitavom periodu važenja ponude. Rok važenja je 120 dana od isteka roka za podnošenje ponuda, u skladu sa tačkom 8.7.1. tenderske dokumentacije. Detaljnije obrazloženo u tački s) ovog Zapisnika.
- n) **Podaci o pojašnjenju ponuda:** Nije traženo pojašnjenje ponuda.

- o) **Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:** Zaprimljene ponude su uredno zapakovane, cijene bez PDV-a upoređene u obrascima Aneks 2 i Aneks 3, identične u oba obrasca za svakog ponuđača.
- p) **Analitički prikaz traženih i dostavljenih dokaza profesionalne i tehničke sposobnosti ponuđača:** U skladu sa tačkom k) ovog Zapisnika.
- q) **Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Zaprimljene ponude svih ponuđača sadrže parafiranu Tehničku specifikaciju, koja je data u Aneksu 10 tenderske dokumentacije.
- r) **Podaci o ispravkama računskih grešaka u ponudama ako ih je bilo:** Nema računskih grešaka u ponudama.
- s) **Naziv i sjedište ponuđača čije ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:** Ponuda ponuđača „EUROSAN“ d.o.o. Mostar ispunjava uslove za kvalifikaciju iz čl. 45., 46., 49. i 52. Zakona postavljene u tenderskoj dokumentaciji, međutim ne ispunjava ostale zahtjeve propisane tenderskom dokumentacijom. Navedeni ponuđač je u sklopu svoje ponude dostavio Obrazac za cijenu ponude na stranici 7 (sedam) koji je dat u Aneksu 3 tenderske dokumentacije. U navedenom obrascu nije naveden *naziv proizvoda, materijala za uniformu i proizvođač*, što je traženo predviđenom kolonom u tabeli koja je od strane ponuđača ostavljena prazna. U skladu sa tačkom 5.1. tenderske dokumentacije, ponuđač je dužan popuniti svaku rubriku sa traženim podacima. Shodno tome, nije dostavljen ispravno popunjen Obrazac za cijenu ponude za okvirni sporazum, kako je to propisano tenderskom dokumentacijom u tački 8.2.1. „Sadržaj ponude“. ne ispunjava zahtjeve u vezi sa pripremom ponude.

Pregledom ponude, Komisija je utvrdila da je ponuđač dostavio bankarsu garanciju za ozbiljnost ponude na stranici 82. Dostavljena garancije je u skladu sa formam datoj u Aneksu 12 tenderske dokumentacije, i u zahtijevanom iznosu od 5.000,00 KM. Međutim, rok važenja garancije je 11.05.2026. godine što nije u skladu sa tačkom 8.7.1. tenderske dokumentacije, gdje je zahtijevano da garancija važi u čitavom periodu važenja ponude, tj. 120 dana od dana otvaranja ponuda. Datum i vrijeme otvaranja ponuda (16.01.2026. godine u 10:30h) je navedeno u Izmjeni tenderske dokumentacije broj: 01-01.3-9493-8/25 MZ od 06.01.2026. godine kao i u Ispravci za obavještenje o nabavci broj: 266-1-1-178-8-2/26, koji su objavljeni 06.01.2026. godine na Portalu javnih nabavki i na taj način učinjeni dostupnim svim zainteresovanim ponuđačima. Izmjena tenderske dokumentacije je sastavni dio tenderske dokumentacije 01-01.3-9493-1/25 MZ te su ponuđači bili dužni pripremiti i dostaviti svoje ponude u skladu sa objavljenom izmjenom tenderske dokumentacije. Ponuđač „EUROSAN“ d.o.o. Mostar je nakon objavljene Izmjene i Ispravke za obavještenje o nabavci dostavio svoju ponudu u predviđenom roku, a kao rok važenja garancije za ozbiljnost ponude je naveden 11.05.2026. godine, što predstavlja 115 dana od dana otvaranja ponuda. Ponuđač je u dostavljenom Obrascu za ponudu, na stranici 5 svoje ponude, naveo da je rok važenja ponude 18.05.2026. godine. Iz navedenog se zaključuje da dostavljena gaancija za ozbiljnost ponude nije u skladu sa zahtjevom iz tačke 8.8.1. tenderske dokumentacije.

Shodno naprijed navedenom, Komisija će dati preporuku direktoru ugovornog organa Javno preduzeće Autoceste Federacije Bosne i Hercegovine društvo sa ograničenom odgovornošću da ponudu ponuđača „EUROSAN“ d.o.o. Mostar odbaci kao nepravilnu u skladu sa članom 2. stav (1) tačka I) alineja 3) Zakona, te se ista odbacuje u skladu sa članom 68. stav (4) tačka i) Zakona, jer ponuda nije potpuna i ne ispunjava sve zahtjeve iz tenderske dokumentacije.

- t) **Razlozi za odbijanje ponude zbog neprirodno niske cijene:** Nije primjenjivo;
- u) **Provođenje e-aukcije u skladu sa Pravilnikom o uslovima i načinu korištenja e-aukcije („Sl.glasnik BiH“ broj 80/23):** Ugovorni organ je u tenderskoj dokumentaciji i Obavještenju o nabavci predvidio održavanje e-aukcije. S obzirom na to da je Komisija utvrdila da nijedna od zaprimljenih ponuda ne ispunjava uslove koji su predviđeni tenderskom dokumentacijom, e-

aukcija se ne može zakazati, u skladu sa članom 4. stav (2) Pravilnika o uslovima i načinu korištenja e-aukcije („Sl. glasnik BiH“, broj: 80/23) nego se postupak okončava u skladu sa članom 69. Zakona.

- v) **Rangiranje prihvatljivih ponuda prema kriteriju za izbor ponude:** Nije primjenjivo;
- w) **Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** Nije primjenjivo;
- x) **Podaci o dijelu ugovora koji se daje u podugovor i podaci o podizvođaču:** Nije primjenjivo;
- y) **Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:** Nije primjenjivo;
- z) **Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:** Komisija daje prijedlog direktoru Javnog preduzeća Autoceste Federacije Bosne i Hercegovine društvo sa ograničenom odgovornošću Mostar da donese Odluku o poništenju postupka javne nabavke roba: „**Nabavka uniformi za uposlenike na naplati i upravljanju AC-om**“ u skladu sa članom 69. stav (2) tačka d) Zakona, jer nijedna od primljenih ponuda nije prihvatljiva, te:
- kojom se ponuda ponuđača „**EUROSAN**“ d.o.o. Mostar odbacuje kao nepravilna u skladu sa članom 2. stav (1) tačka l) alineja 3) Zakona, te se ista odbacuje u skladu sa članom 68. stav (4) tačka i) Zakona, jer ponuda nije potpuna i ne ispunjava sve zahtjeve iz tenderske dokumentacije;
 - kojom se ponuda ponuđača „**INKOS**“ d.o.o. Kakanj odbacuje kao neprihvatljiva u skladu sa članom 68. stav (1) Zakona, jer je ponuđač dostavio nepotpune dokaze za ispunjavanje uslova iz člana 49. Zakona;
 - kojom se ponuda ponuđača „**EURO VEZ**“ d.o.o. Tešanj odbacuje kao neprihvatljiva u skladu sa članom 68. stav (1) Zakona, jer je ponuđač dostavio nepotpune dokaze za ispunjavanje uslova iz člana 49. Zakona.

aa) **Datum završetka postupka pregleda i ocjene ponuda:** Komisija je završila pregled i ocjenu ponuda dana 18.02.2026. godine.

bb) **Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.):** Ovaj Zapisnik nema priloge;

cc) **Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:**

Članovi komisije:

Edin Sijamić, zamjenik predsjednika komisije

Adila Salčinović, član komisije

Ante Jurišić, član komisije







Denis Lasić, direktor